

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
TUŽITELJSTVO SREDNJOBOSANSKOG KANTONA  
Broj: T06 0 KTK 0036504 24  
Travnik, 30.12.2024.

**OPĆINSKOM SUDU U KISELJAKU**  
**Sudcu za prethodno saslušanje**

Na osnovu odredbe članka 45. stav 2. točka i), član 241. stav 1. Zakona o kaznenom postupku Federacije Bosne i Hercegovine, podižem

**OPTUŽNICU**

**Potvrđena dana 24.03.2025.godine**

**Protiv:**

**FUAD SELMAN**

**Rješenjem Općinskog suda u Kiseljaku broj 49 0 K 066123 23 Kpp 4 od 16.08.2023.godine određen je pritvor prema osumnjičenom Fuadu Selman koji je trajao od 14.08.2023.godine do 14.09.2023.godine.**

Što je:

U vremenskom periodu od 03.07. do 26.07.2023. godine na području općine Kiseljak kao službena osoba u smislu člana 2.stav 3. Zakona o kaznenom postupku FBiH, sa svojstvom policijskog službenika MUP-a SBK/KSB Policijske stanice Kiseljak nadležnog za kontrolu i reguliranje prometa na temelju ovlaštenja propisanih članom 225. Pravilnika o unutarnjem ustrojstvu MUP SBK broj: 01/1-02-1-1717/16 od 05.10.2018. godine u kojem su navedeni opisi poslova pa između ostalog vrši preventivnu, operativnu i represivnu djelatnost na području pozoričkog rejona ili patrolnog sektora u cilju održavanja javnog reda i mira, sprečavanja izvršenja kaznenih djela, zaštite osobne sigurnosti građana, sigurnosti prometa i sprečavanja drugih nedopuštenih radnji u cilju prevencije kriminala; obavlja osiguranje lica mjesta počinjenog kaznenog djela, prometne nezgode i drugih događaja i pojava i obavlja poslove sukladno pravilima službe za vrijeme osiguranja; obavlja očevide prometnih nezgoda sa materijalnom štetom i lakše ozlijeđenim osobama koje imaju elemente prekršaja; piše izvješća po povratku sa službe, službene zabilješke o događajima i pojavama i prekršajne prijave; sudjeluje u svim osiguranjima po planu policijske stanice; obavlja kontrolu i reguliranje prometa; izdaje prekršajne naloge, obavlja i druge poslove koji spadaju u djelokrug navedenog radnog mjesta i koje mu odredi neposredni rukovoditelj te ovlaštenjima iz člana 2. stav 2. Zakona o osnova sigurnosti u prometu na putevima u BiH kojim je propisano da kontrolu i reguliranje prometa na putevima u BiH vrše ovlaštena lica nadležnog organa unutarnjih poslova, a članom 54 i 56. Zakona o prekršajima FBiH je određeno da je ovlaštena službena osoba dužna izdati

prekršajni nalog nakon što ustanovi postojanje prekršaja iz njezine nadležnosti, te primjerak kopije prekršajnog naloga uručiti okrivljenom prilikom obavljanja zadataka kontrole sudionika u prometu na putevima, svjestan obima i sadržaja povjerenih mu ovlaštenja u okviru funkcije koju obavlja i prethodno opisanih poslova koji su mu povjereni u okviru njegovog radnog mjesta policajca, zajedno sa drugim policijskim službenikom sa kojim je po rasporedu službe i patrolnom nalogu obavljao službu, čiji je radnji obzirom na zajedničku odluku o pribavljanju koristi bio svjestan i htio njihovo izvršenje, a koje radnje bez doprinosa oba policijska službenika ne bi bile ostvarene na planirani način s ciljem da sebi i drugome kroz vršenje svoje službene funkcije pribave imovinsku korist koju će međusobno podijeliti,

1. dana 06.07.2023.godine oko 11:32 sati, u mjestu Draževići, općina Kiseljak prema rasporedu rada i patrolnom nalogu broj: 371-3 od 05.07.2023. godine radeći zajedno u auto patroli sa policijskim službenikom O.T. koristeći službeno vozilo marke Dacia Duster, registarskih oznaka T73-0-013 sa zadatkom kontrole i reguliranja prometa zajedno i po prethodnom dogovoru za sebe primili dar da u okviru svoje funkcije ne učine što bi morali učiniti tako što su izvršili kontrolu vozača, kojeg su prilikom komunikacije oslovljavaju sa imenom „Armin“, koji je upravljao motornim vozilom, jer su ustanovili da je za vrijeme kretanja vozilom u prometu vozač koristio mobilni telefon, pa iako su bili svjesni i znali da je vozač na taj način počinio prekršaj iz člana 33. stav 1. ZOBS BiH kažnjiv po članu 235 stav 1 točka 1a) i stav 2 ZOBS BiH, kada su vozaču saopćili da je počinio prekršaj i predviđenu prekršajnu sankciju, isti im je kako bi izbjegao prekršajnu odgovornost ponudio neutvrđeni iznos novca govoreći “da popiju kaficu”, koji dar u vidu novca su policijski službenici u namjeri da za sebe pribave pribave imovinsku korist prihvatili, što su i htjeli, te nisu evidentirali prekršaj ni izdali prekršajni nalog vozaču suprotno odredbama člana 54 i 56. Zakona o prekršajima FBiH.
2. Dana 06.07.2023. godine oko 12,35 sati u mjestu Han Ploča, općina Kiseljaku prema rasporedu rada i patrolnom nalogu broj: 371-3 od 05.07.2023. godine radeći zajedno u auto patroli sa policijskim službenikom O.T. koristeći službeno vozilo marke Dacia Duster, registarskih oznaka T73-0-013 sa zadatkom kontrole i reguliranja prometa zajedno i po prethodnom dogovoru prekračivši granice službenih ovlaštenja pribavili drugom korist, tako što su prilikom kontrole S. I. koji je upravljao vozilom Mercedes tip 124 utvrdili da je za vrijeme kretanja vozilom u prometu koristio mobilni telefon, iako su bili svjesni i znali da je na taj način počinio prekršaj iz člana 33. stav 1. Zakona o osnovama sigurnosti u prometu na putevima u BiH kažnjiv po članu 235 stav 1. točka 1a) i stav 2 istoga Zakon, u namjeri da pribave drugom korist izdali vozaču prekršajni nalog broj: 110429040.1 zbog prekršaja nepoštivanje prometnog znaka iz člana 130 stav 4. ZOBS BIH kažnjiv članom 238. stav 1 točka 36 ZOBS BiH, kojim je vozač kažnjen novčanom kaznom od 40 KM, na koji način su pribavili korist S. I. u vidu manjeg iznosa novčane kazne od one koja bi mu bila izrečena za stvarno počinjeni prekršaj, što su i htjeli.

3. dana 06.07.2023.godine oko 18:04 sati u mjestu Polje Višnjica, općina Kiseljak prema rasporedu rada i patrolnom nalogu broj: 371-3 od 05.07.2023. godine radeći u auto patroli sa policijskim službenikom O.T. koristeći službeno vozli marke Dacia Duster registarskih oznaka T73-0-013 sa zadatkom kontrole i reguliranja prometa zajedno i po prethodnom dogovoru primili dar za sebe da u okviru svoje funkcije ne učine što bi morali učiniti, tako što su prilikom kontrole zaustavili pmv Golf VI kojim je upravljao **A. L.**, kada su utvrdili da je za vrijeme kretanja vozilom u prometu koristio mobilni telefon, te nije imao vozačku i prometnu dozvolu, vozaču su saopćili da mu se zbog korištenja mobitela može izreći novčana kazna od 100-300 KM i jedan kazneni bod, te mjera zabrane, a za nenošenje dokumenata za sobračajnu 100 KM, a vozačku 30 ukupno 230 KM, iako su bili svjesni zabranjenosti svojih radnji i htijući to, kada je vozač upitao mogu li pisati kaznu za neki manji prekršaj policijski službenici su odgovorili neka da za ručak, te su policijski službenik Fuad Selman i policijski službenik O.T. u namjeri pribavljanja imovinske koristi od **A. L.** primili dar u novčanom iznosu od 10 KM, što su i htjeli zbog čega nisu evidentirali prekršaj ni izdali prekršajni nalog vozaču suprotno odredbama člana 54 i 56 Zakona o prekršajima FBiH,
4. dana 10.07.2023.godine oko 09:05 sati u mjestu Han Ploča, općina Kiseljak prema rasporedu rada i patrolnom nalogu broj: 379-2 od 07.07.2023. godine radeći u auto patroli sa policijskim službenikom O.T. koristeći službeno vozli marke Dacia Daster registarskih oznaka T73-0-013 zajedno i po prethodnom dogovoru primili dar za sebe da u okviru svoje funkcije ne učine što bi morali učiniti, tako što su vršeći kontrolu i reguliranje prometa zaustavili pmv Toyota kojim je upravljao **B. J.**, jer su ustanovili da je vozač za vrijeme kretanja vozilom u prometu koristio mobilni telefon, pa iako su bili svjesni da je počinio prekršaj iz člana 33 stav 1. ZOBS BiH kažnjiv po članu 235 stav 1. točka 1a) i stav 2 Zakona o osnovama sigurnosti na putevima u BiH postupili suprotno članu 54 i 56. Zakona o prekršajima FBiH i nisu evidentirali prekršaj ni izdali prekršajni nalog, jer je kontrolirano lice **J. B.** kako bi izbjegao prekršajnu odgovornost policijskim službenicima predao dar u neutvrđenom novčanom iznosu, tako što je novac ostavio u policijsku šapku, koji dar su Fuad Selman i i policijski službenik O.T. u namjeri pribavljanja imovinske koristi prihvatili, što su i htjeli.

**Dakle**, kao službena osoba u više navrata primio za sebe dar, da u okviru svoje ovlasti ne učini što bi morao učiniti i prekoračivši granice službene ovlasti drugom pribavio korist

#### **Čime bi počinio:**

Pod točkom 1,3 i 4 produženo kazneno djelo "Primanje dara i drugih oblika koristi" iz člana 380 stav 1 KZ F BiH, a sve u vezi sa članom 31 i 55 KZ F BiH, a pod točkom 2. kazneno djelo Zloupotreba položaja ili ovlaštenja iz člana 383. stav 1. KZ FBiH u vezi sa članom 31 KZ FBiH.

Radi toga, stavljam prijedlog dokaza

**Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo**

*presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.*